

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Broj: 02-04-2331/24-AP-1
Datum: 16.12.2024. godine



Na osnovu člana 15. stav (1) tačka b) Zakona o principima lokalne samouprave u Federaciji BiH ("Službene novine Federacije BiH", broj: 49/06 i 51/09), člana 12. Privremene Statutarne Odluke Grada Zavidovići („Službeni glasnik Općine Zavidovići", broj: 4/22), a u vezi sa članom 39. Statuta Općine Zavidovići („Službeni glasnik Općine Zavidovići", broj: 5/08, 5a/08 i 11/19), a shodno člana 5. stav (3) Odluke o osnivanju Savjetodavnog odbora građana, broj: 02-11-984/23-AP-2 od 26.05.2023. godine, gradonačelnica, objavljuje

JAVNI POZIV
za izbor i imenovanje članova Savjetodavnog odbora građana Grada Zavidovići

Član 1.

Objavljuje se Javni poziv za izbor i imenovanje članova Savjetodavnog odbora građana Grada Zavidovići.

Član 2.

Kandidate za članove Savjetodavnog odbora građana mogu predložiti:

- organizacije civilnog društva,
- javna preduzeća,
- javne institucije,
- privatni poslovni subjekti locirani u JLS,
- profesionalna udruženja (udruženje poslodavaca, privredne komore, i sl.),
- udruženja i fondacija koje u skladu sa svojim statutom provode aktivnosti usmjerene na žene, mlade i/ili marginalizovane kategorije,
- građani-aktivisti svih starosnih skupina.

Član 3.

(1) Kandidati za članove Savjetodavnog odbora građana biraju se na osnovu sljedećih kriterija:

- (a) Savjetodavni odbor građana će se sastojati od 6 do 10 članova, uključujući predsjedavajućeg i zamjenika predsjedavajućeg. Zainteresovane lokalne organizacije mogu predložiti kandidate koji će ispuniti polovinu raspoloživih mjesta u Savjetodavnom odboru građana,

dok će preostalu polovinu raspoloživih mjesta ispuniti građani koji predstavljaju lokalnu zajednicu bez organizacione pripadnosti.

- (b) Broj članova Savjetodavnog odbora može varirati u zavisnosti od spremnosti pojedinaca i predstavnika lokalnih organizacija da učestvuju.
- (c) Članovi Savjetodavnog odbora građana moraju biti punoljetna lica, moraju imati prebivalište na području grada, i moraju biti neutralna - da nisu državni službenici na bilo kojem nivou vlasti, da nisu zaposleni u gradskoj upravi i da nisu članovi organa političke stranke.
- (d) Kriteriji za izbor članova Savjetodavnog panela građana iz stava 1. ovog člana su:
 - motiviranost da postanu članovi Savjetodavnog odbora građana,
 - prethodno iskustvo u inicijativama/projektima u lokalnoj zajednici,
 - čvrsta opredjeljenost da po potrebi izdvoje najmanje 10 sati mjesečno za volonterski rad tokom 12-mjesečnog mandata,
 - želja da doprinesu pozitivnim promjenama u zajednici,
 - drugi relevantni kriteriji.

Član 4.

(1) Djelokrug rada Savjetodavnog odbora građana obuhvata sljedeće:

- (a) pružanje savjeta i podrške JLS u angažmanu građana u procesima lokalne uprave i identifikaciji novih prilika za učešće građana. U saradnji sa nadležnim predstavnicima JLS, Savjetodavni odbor građana će organizovati prilike za građane da na direktan ili indirektan način učestvuju u definisanju, planiranju i realizaciji potreba i prioriteta u oblastima koje se smatraju izuzetno značajnim za zajednicu, kao što su pružanje usluga, priprema budžeta, prostorno planiranje, prevencija korupcije, i sl.
- (b) učestvovanje u nadzoru i praćenju provedbe ključnih funkcija JLS (kao što su realizacija budžeta, provedba lokalnih strategija i akcionih planova, i sl.).
- (c) zagovaranje provedbe projekata i inicijativa koje su građani identificirali kao prioritetne. Pri tome, Savjetodavni odbor građana će podržati napore organizacija civilnog društva i ostalih lokalnih partnera da povećaju budžetsku pismenost, pitanje zagovaranja i sl.
- (d) pružanje pomoći JLS da povećaju svijest i unaprijede načine informisanja građana o njihovom radu, kako bi osigurali da informacije budu usmjerene i dostupne svim građanima, uključujući žene, mlade i marginalizirane grupe.

(2) Pored ovih ključnih oblasti djelovanja, Savjetodavni odbor građana, može poduzimati i ostale aktivnosti u dogovoru sa nadležnim predstavnicima JLS. Mandat Savjetodavnog odbora građana će biti utvrđen opisom specifičnih aktivnosti, koji će biti izrađen u toku uspostavljanja Savjetodavnog panela građana.

Član 5.

(1) Prijave kandidata za članstvo u Savjetodavnom odboru građana je potrebno u pisanoj formi dostaviti naposredno na protokol Grada Zavidovići poštom na adresu ul. Mehmed paše Sokolovića br.9 sa naznakom za Savjetodavni odbor građana Grada Zavidovići ili putem e-mail adrese grad.zavidovici@zavidovici.ba, najkasnije do 25.12.2024.godine do 15:30 sati.

(2) Uz prijavni obrazac potrebno je dostaviti kratko motivaciono pismo, biografiju, dokaz o mjestu prebivališta (CIPS).

(3) Kandidati koji su bili članovi u prošlom mandatu dostavljaju samo prijavni obrazac.

(4) Neblagovremene i nepotpune prijave neće se uzimati u razmatranje.

Član 6.

Obrazac za podnošenje prijava kandidata za članstvo u Savjetodavni odbor građana koje predlažu zainteresovane lokalne organizacije (O1) kao i Obrazac za podnošenje prijave za članstvo u Savjetodavni panel građana od strane građana (O2) koji predstavljaju lokalnu zajednicu bez organizacione pripadnosti, nalaze u prilogu ovog Javnog poziva i mogu se preuzeti sa web stranici grada.

Član 7.

Javni poziv je istovremeno objavljen na web stranici grada i oglasnoj ploči Grada, a obavještenje o objavljenom Javnom pozivu i njegovom sadržaju će se emitovati i putem lokalnih sredstava informisanja kao i putem mjesnih zajednica, lokalnih medija, lokalnih organizacija civilnog društva i poslovnih subjekata.

Javni poziv ostaje otvoren 7 (sedam) dana od dana objavljivanja.

Član 8.

(1) Služba za upravu privrede, lokalni razvoj, infrastrukturu i međunarodnu saradnju će na osnovu pristiglih prijava izvršiti provjeru ispunjavanja uslova i kriterija od strane prijavljenih kandidata i u roku od 5 (pet) dana od isteka roka za podnošenje prijava, formirati Komisiju za izbor kandidata koja će sačiniti izvještaj o provjeri, te utvrditi listu kandidata koji ispunjavaju uslove i kriterije iz člana 3. Javnog poziva.

(2) Kandidati s najvišim ocjenama ulaze u uži izbor i biće pozvani na razgovor. Ukoliko bude prijavljeno četiri (4) ili manje kandidata bez obzira da li predstavljaju organizacije ili građane u tom će slučaju svi kandidati biti intervjuisani. Prilikom konačnog izbora, u mjeri u kojoj je to moguće, Komisija za izbor će voditi računa o zastupljenosti svih starosnih skupina, jednakopravnosti spolova, vještinama i obrazovanjem prijavljenih kandidata.

(3) Izvještaj o izboru kandidata za članstvo se objavljuje na web stranici Grada (<https://zavidovici.ba/>), kao i na oglasnoj ploči gradske uprave.

Član 9.

Gradonačelnica će nakon objave popisa važećih kandidatura, u roku od 5 (pet) dana od objave izvještaja iz člana 8. Javnog poziva, donijeti Odluku o imenovanju članova Savjetodavnog odbora građana.

Član 10.

U postupku imenovanja članova Savjetodavnog odbora građana, vodit će se računa o potrebi ravnopravne zastupljenosti osoba oba spola.



GRADONAČELNICA

mr. iur. Erna Merdić Smailhodžić

J. p.

O 1: PRIJAVNI OBRAZAC ZA ORGANIZACIJE

GRAD ZAVIDOVIĆI
ul. Mehmed paše Sokolovića 9
PRIJAVA ZA ČLANSTVO U SAVJETODAVNOM ODBORU GRAĐANA
Za organizacije

PREDSTAVNIK/CA:

- ☐ organizacije civilnog društva
- ☐ javne ustanove
- ☐ privatnog preduzeća
- ☐ poslovnog subjekta iz dijaspore
- ☐ ostalo

(Naziv organizacije, adresa, e-mail i broj telefona)

INFORMACIJE O PREDLOŽENOM KANDIDATU/NJI:

1. Ime i prezime:

2. Adresa stanovanja:

3. Datum rođenja: _____

4. Spol/rod: Ž _____ M _____

5. Tel: _____ Kućni: _____ Mobilni: _____

Poslovni: _____ E-mail: _____

6. Prebivalište u JLS: Da _____ Ne _____

Broj godina prebivališta u JLS: _____

7. Da li je Vaša organizacija formalno ili neformalno politički angažovana?

Da _____

Ne _____

Ako je odgovor Da, opišite vrstu pripadnosti i relevantne političke aktivnosti.

8. Obrazovanje: _____

9. Poslodavac: _____

10. Navedite trenutne radne ili profesionalne aktivnosti predloženog/e kandidata/kinje:

11. Navedite profesionalne ili društvene aktivnosti predloženog/e kandidata/kinje u zajednici zbog kojih smatrate da bi bilo korisno da predloženi kandidat/kinja bude član Savjetodavnog odbora građana.

12. Koje su to vještine i vrijednosti predloženog/e kandidata/kinje koje bi mogle doprinjeti radu Savjetodavnog odbora građana?

13. Koliko vremena bi predloženi/a kandidat/kinja mogao/la uložiti u volonterski rad u Savjetodavnom odboru građana?

_____ 10 sata mjesečno

_____ 12 sati mjesečno

_____ 15 sati mjesečno

14. Navedite inicijative relevantne za lokalnu zajednicu koje je predloženi/a kandidat/kinja pokrenuo/la i/ili u kojim je učestvovao/la u protekle tri (3) godine.

15. Ostale informacije o predloženom/oj kandidatu/kinji koje biste izdvojili, a koje se se odnose na sposobnosti predloženog/e kandidata/kinje da ostvari uspješnu interakciju sa lokalnim akterima kao i potencijal predloženog/e kandidata/kinje da mobilizira članove lokalne zajednice?

Potpis ovlaštene osobe

Datum:

Hvala na iskazanom interesu i prijavi za članstvo u Savjetodavni odbor građana.

Svi lični podaci navedeni u ovoj prijavi su povjerljivi i neće se objavljivati.

O2 PRIJAVNI OBRAZAC ZA POJEDINCE

GRAD ZAVIDOVIĆI
ul. Mehmed paše Sokolovića
PRIJAVA ZA ČLANSTVO U SAVJETODAVNOM ODBORU GRAĐANA
Za pojedince

1. Ime i prezime:

2. Adresa stanovanja:

3. Datum rođenja: _____

4. Spol/rod: Ž _____ M _____

5. Tel: Kućni: _____ Mobilni:

Poslovni: _____ E-mail: _____

6. Prebivalište u JLS: Da _____ Ne _____

Broj godina prebivališta u JLS: _____

7. Da li ste trenutno, ili ste ranije bili član neke političke partije? Da _____
Ne _____

Ako je Vaš odgovor da, opišite vrstu pripadnosti i relevantne političke aktivnosti.

8. Obrazovanje: _____

9. Zaposlen(a): Da _____ Ne _____

10. Navedite trenutne radne ili profesionalnih aktivnosti ili aktivnosti vezane za ostvarivanje
dohodka/životne prihode/kućnu njegu.

11. Navedite Vaše profesionalne ili društvene aktivnosti u zajednici zbog kojih mislite da bi bilo korisno da budete član Savjetodavnog odbora građana.

12. Koje vještine i vrijednosti biste izdvojili, a za koje smatrate da bi doprinjele kvalitetnom radu Savjetodavnog odbora građana?

13. Koliko vremena bi ste mogli posvetiti dobrovoljnom radu u svojstvu člana/ice Savjetodavnog odbora građana?

_____ 10 sata mjesečno

_____ 12 sati mjesečno

_____ 15 sati mjesečno

14. Navedite inicijative relevantne za lokalnu zajednicu koje ste pokrenuli i/ili u kojim ste učestvovali u protekle tri (3) godine.

15. Ostale informacije koje biste izdvojili, a koje se odnose na Vaše sposobnosti da ostvarite uspješnu interakciju sa lokalnim akterima kao i Vaš potencijal da mobilizirate članove lokalne zajednice?

Potpis

Datum:

Hvala na iskazanom interesu i prijavi za članstvo u Savjetodavni odbor građana. Svi lični podaci navedeni u ovoj prijavi su povjerljivi i neće se objavljivati.